

謝宣城集卷三

閭陽

郭威釗輯



宛陵

梅 庚校訂

五言詩

將發石頭上烽火樓

徘徊戀京邑躑躅纏曾阿陵高墀闕近眺迴風
雲多荆吳阻山岫江海含瀾波歸飛無羽翼其
如離別何

答王世子

詩宣身 卷三
飛雪天山來飄聚繩櫺外蒼雲暗九重北風吹
萬籟有酒招親朋思與清顏會熊席惟爾安余
裘豈吾帶公子不垂堂誰肯憐蕭艾

答張齊興

荆山從百里漢廣流無極北馳星斗正南望朝
雲色川隰同幽快冠冕異今昔子肅兩岐功我
滯三冬職誰知京洛念彷彿昆山側向夕登城
濠潛池隱復直地迴聞遙蟬天長望歸翼清文
忽景麗思泉紛寶飾勿言修路阻勉子康衢力

曾厓寂且寥歸軫逝言陟

酬王晉安

晉安郡守王德昭明送
元先贈詩今答

稍稍枝早勁塗塗露晚晞南中榮橘柚寧知鴻
鴈飛拂霧朝青閣日旰坐彤闈悵望一途阻參
差百慮依春草秋更綠公子未西歸誰能久京
洛緇塵染素衣

暫使下都夜發新林至京邑贈西府同寮
大江流日夜客心悲未央徒念關山近終知返
路長秋河曙耿耿寒渚夜蒼蒼引領見京室宮

雉正相望。金波麗鳩鵲。玉繩低建章。驅車鼎門外。思見昭丘陽。馳暉不可接。何況隔兩鄉。風雲有鳥路。江漢限無梁。常恐鷹隼擊。時菊委嚴霜。寄言尉羅者。寥廓已高翔。

始出尚書省

眺兼尚書郎高宗輔昭明選政以為諮議領記室

惟昔逢休明。十載朝雲陛。既通金閨籍。復酌瓊筵醴。宸景厭昭臨。昏風淪繼體。紛虹亂朝日。濁河穢清濟。防口猶寬政。餐茶更如薺。英交暢人謀。文明固天啓。青精翼紫軼。黃旗映朱邸。還觀

軼徒計切

司隸章復見。東都禮中區。咸已泰。輕生諒昭灑。趨事辭宮闕。載筆陪旌。蔡邑里向疎。蕪寒流自清。泚衰柳尚沉沉。凝露方泥泥。零落悲友朋。歡娛燕兄弟。既秉丹石心。寧流素絲涕。因此得蕭散。垂竿淡澗底。

直中書省

眺轉中書郎昭明選直宿禁中

紫殿肅陰陰。彤庭赫弘敞。風動萬年枝。日華承露掌。玲瓏結綺錢。淡沉映朱網。紅藥當堦翻。蒼苔依砌上。茲言翔鳳池。鳴珮多清響。信美非吾

張揖漢書注曰魏朝觀在雲陽甘泉宮
帝王世紀曰成王定陽
郡都其南
荊州國記曰富陽
有是山
應劭漢書注曰
為二人
名字物已
案前
春秋元命
之時五星
蒼神之精
故蒼精
東觀漢記曰
之雜陽
行幸昭曰
皆帶別
下至二千石
司馬是
如是

辭閣陪陪
出殿中為記
空也

蔡音起

室中園思偃仰朋情以鬱陶春物方駘蕩安得
凌風翰聊恣山泉賞

觀朝雨

昭明選

朔風吹飛雨蕭條江上來既灑百常觀復集九
成臺空濛如薄霧散漫似輕埃平明振衣坐重
門猶未開耳目暫無擾懷古信悠哉戢翼希驤
首乘流畏曝鰓動息無兼遂岐路多徘徊方同
戰勝者去翦北山萊

新亭渚別范零陵雲

昭明選

洞庭張樂地瀟湘帝子遊雲去蒼梧野水還江
漢流停驂我悵望輟棹子夷猶廣平聽方籍茂
陵將見求心事俱已矣江上徒離憂

之宣城郡出新林浦向板橋

昭明選

江路西南永歸流東北鶩天際識歸舟雲中辯
江樹旅思倦搖搖孤遊昔已屢既歡懷祿情復
協滄洲趣囂塵自茲隔賞心於此遇雖無玄豹
姿終隱南山霧

始之宣城郡

呂氏春秋曰有
有二伏女為九
飲食必以
常成乾會也

三秦記曰
龍門下上則為
龍門下上則為
得上照鯉水

王隱晉書曰
字林外為中郎散
騎常侍會
守缺定帝
賢外大世
平此
子安王
郡故世下

謝宣城集卷三始之宣城郡

以為不祥
至于大家

下帷闕章句高談媿名理疎散謝公卿蕭條依
掾史簪髮逢嘉惠教義承君子心迹苦未并憂
歡將十祀幸沾雲雨慶方轡參多士振鷺徒追
飛羣龍難隸齒烹鮮止貪競其治屬廉恥伊余
昧拙益何用祇千里解劔北宮朝息駕南川渙
寧希廣平詠聊慕華陰市棄置宛洛遊多謝金
門裏招招漾輕楫行行趨巘趾江海雖未從山
林於此始

宣城郡內登望

借問下車日匪直望舒圓寒城一以眺平楚正
蒼然山積陵陽阻溪流春穀泉威紆距遙甸巖
崑帶遠天切切陰風暮桑柘起寒煙悵望心已
極恂怳魂屢遷結髮倦爲旅平生早事邊誰規
鼎食盛寧要狐白鮮方棄汝南諾言稅遼東田

冬日晚郡事隙

案牘時閒暇偶坐觀卉木颯颯滿池荷翛翛蔭
牕竹簷隙自周流房櫳閒且肅蒼翠望寒山靜
嶸瞰平陸已惕慕歸心復傷千里目風霜旦夕

甚蕙草無芬馥云誰美笙簧孰是厭邁軸願言
稅逸駕臨潭餌秋菊

後齋廻望

高軒瞰四野臨牖眺襟帶望山白雲裏望水平
原外夏木轉成帷秋荷漸如蓋輦洛常睠然搖
心似懸旆

落日悵望

昧旦多紛喧日晏未遑舍落日餘清陰高枕東
牕下寒槐漸如束秋菊行當把借問此何時涼

風懷朔馬已傷慕歸客復思離居者情嗜幸非
多案牘偏爲寡旣乏瑯琊政方憇洛陽社

望三湖

積水照頰霞高臺望歸翼平原周遠近連汀見
紆直葳蕤向春秀芸黃共秋色薄暮傷哉人嬋
媛復何極

遊山

託養因支離乘閒遂疲蹇語默良未尋得喪云
誰辯幸莅山水都復值清冬緬凌厓必千仞尋

壑將萬轉堅嶸旣峻增迴流復宛澶杳杳雲竇
深淵淵石溜淺傍眺鬱篔簹還望森柗梗荒陬
被葳莎崩壁帶苔蘚鼯狖叫層岷鷗鳧戲沙衍
觸賞聊自觀卽趣咸已展經目惜所遇前路欣
方踐無言蕙草歇畱垣芳可寒尙子時未歸邴
生思自免永志昔所欽勝迹今能選寄言賞心
客得性良爲善

賽敬亭山廟喜雨

夕悵懷椒糈蠲景潔膏薌登秋雖未獻望歲佇

年祥潭淵深可厲狹邪車未方蒙籠度絕限出
沒見林堂秉玉朝羣帝樽桂迎東皇排雲接虬
蓋蔽日下霓裳會舞紛瑤席安歌遶鳳梁百味
芬綺帳四座沾羽觴福被延民澤樂極思故鄉
登山騁歸望原雨晦茫茫胡寧昧千里解佩拂
山莊

祀敬亭山廟

翦削兼太華崢嶸跨立圃貝闕眡阿宮薜帷陰
網戶參差時未來徘徊望灃浦椒糈若馨香無

絕傳終古

遊敬亭山

昭明選

茲山亘百里合沓與雲齊
隱淪既已託靈異居
然棲上千蔽白日下屬帶迴谿
交藤荒且蔓
穆枝聳復低獨鶴方朝唳
飢飈此夜啼
溼雲已漫漫
夕雨亦淒淒
我行雖紆組兼得尋幽蹊
緣源殊未極歸徑宵如迷
要欲追奇趣卽此陵丹梯
皇恩竟已矣茲理庶無睽

賦貧民田

佳譽非將迎靜拱延殊慶
中歲歷三臺旬月典
邦政會是共治情敢忘郵貧病
將無富教禮孰
有知方性敦本抑工商均業省
兼并察壤見泉
脈覘星視農正黍稷緣高殖
稱稔卽卑盛舊埒
新塍分青苗白水映遙柳
匝清陰連山周遠淨
卽此風雲佳孤觴聊可命
旣微三載道庶藉兩
岐詠俾爾倉廩實余從谷口鄭
譽一作遇拱一作共會一作會

治一作怡
稱一作稷

與江水曹至濱于戲

山中上芳月故人清樽賞遠山翠百重迴流映
千丈花枝聚如雪蕪絲散猶網別後能相思何
嗟異封壤

送江水曹還遠館

高館臨荒途清川帶長陌上有流思人懷舊望
歸客塘邊草雜紅樹際花猶白日暮有重城何
由盡離席

送江兵曹檀主簿朱孝廉還上國

方舟泛春渚攜手趨上京安知暮歸客詎意山

中情香風蘂上發好鳥葉間鳴揮袂送君已獨

此夜琴聲

暮一作慕

臨溪送別

悵望南浦時徙倚北梁步葉上涼風初日隱輕
霞暮荒城迴易陰秋溪廣難渡沫泣豈徒然君
子行多露

將遊湘水尋句溪

既從陵陽釣桂鱗驂赤螭方尋桂水原謁帝蒼
山垂辰哉且未會乘景弄清漪瑟汨瀉長淀潺

溪赴兩岐輕蘋上靡靡雜石下離離寒草分花
映戲鮪乘空移興以暮秋月清霜落素枝魚鳥
余方翫纓綉君自縻及茲暢懷抱山川長若斯
忝役湘州與宣吏民別

弱齡倦簪履薄晚忝華輿閒沃盡地區山泉諧
所好幸遇昌化穆惇俗罕驚暴四時從偃息三
省無侵冒下車遽暄席紆服始黔竈榮辱未遑
敷德禮何由導汨徂奉南岳兼秩典邦號疲馬
方云驅鉛刀安可操遺惠良寂寞恩靈亦匪報

桂水日悠悠結言幸相勞吐納貽爾和窮通勗
所蹈作一

休沐重還丹陽道中

昭明

薄遊第從告思閒願罷歸還邛歌賦似休汝車
騎非灞池不可別伊川難重違汀葭稍靡靡江
茨復依依田鵠遠相叫沙鵠忽爭飛雲端楚山
見林表吳岫微試與征徒望鄉淚盡沾衣賴此
盈樽酌含景望芳菲問我勞何事霑沐仰清徽
志狹輕軒冕恩甚戀閨闈歲華春有酒初服偃

郊扉

移病還園示親屬

疲策倦人世。歛性就幽蓬。停琴佇涼月。滅燭聽歸鴻。涼薰乘暮晰。秋華臨夜空。葉低知露密。崖斷識雲重。折荷葺寒袂。開鏡眇衰容。海暮騰清氣。河關祕棲沖。煙衡時未歇。芝蘭去相從。

出下館

麥候始清和。涼雨銷炎燠。紅蓮搖弱荇。丹藤繞新竹。物色盈懷抱。方駕娛耳目。零落旣難留。何

用存華屋

遊東田

戚戚苦無悰。攜手共行樂。尋雲陟累榭。隨山望菌閣。遠樹曖阡阡。生煙紛漠漠。魚戲新荷動。鳥散餘花落。不對芳春酒。還望青山郭。

秋夜講解

四緣去誰肇。七識習未央。沉沉倒營魄。苦蔭感愁腸。琴瑟徒爛熳。姱容空滿堂。春顏遽幾日。秋壘終茫茫。孰云濟沉溺。假願託津梁。惠唱摛泉

湧妙演發金相空有定無執賓實固相忘自來
乘首夏及此申暮霜雲物清晨景衣巾引夕涼
風振蕉蓬裂霜下梧楸傷六龍且無借三相寧
久長何時接靈應及子同舟航沉沉一作淵淵
霜下梧楸傷一

作露下
梧桐傷

秋夜

秋夜促織鳴南鄰搗衣急思君隔九重夜夜空
佇立北牕輕幔垂西戶月光入何知白露下坐
視階前濕誰能長分居秋盡冬復及

春思

茹溪發春水阡山起朝日蘭色望已同萍際轉
如一巢燕聲上下黃鳥弄儔匹邊郊阻遊行故
人盈契闊夢寐借假簧思歸賴倚瑟幽念漸鬱
陶山楹永為室

治宅

結宇夕陰街荒幽橫九曲迢遞南川陽迤邐西
山足闢館臨秋風敞牕望寒旭風碎池中荷霜
翦江南棗既無東都金且稅東臯粟

對... 俱去... 聲與月韻同

冬緒羈懷示蕭諮議虞田曹劉江二常侍
去國懷立園入遠滯城闕寒燈耿宵夢清鏡悲
曉髮風草不畱霜冰池共如月寂寞此閒帷琴
樽任所對客念坐嬋媛年華稍菴蔓夙慕雲澤
遊共奉荆臺績一聽春鶯喧再視秋虹沒疲驂
良易返恩波不可越誰慕臨淄鼎常希茂陵渴
依隱幸自從求心果蕪昧方軫歸歟願故山芝
未歇績一作績
思一作思

懷故人

芳洲有杜若可以贈佳期望望忽超遠何由見
所思行行未千里山川已間之離居方歲月故
人不在茲清風動簾夜孤月照牕時安得同攜
手酌酒賦新詩

夜聽妓二首

瓊閨釧響聞瑤席芳塵滿要取洛陽人共命江
南管情多舞態遲意傾歌弄緩知君密見親寸
心傳玉椀

其二

上客光四坐佳麗直千金挂釵報纓絕墮珥答
琴心蛾眉已共笑清香復入襟歡樂夜方靜翠
帳垂沉沉

京路夜發

擾擾整夜裝肅肅戒徂兩曉星正寥落晨光復
潏潏猶沾餘露團稍見朝霞上故鄉邈已負山
川修且廣文奏方盈前懷人去心賞敕躬每踟
躕瞻恩惟震蕩行矣倦路長無由稅歸鞅

晚登三山還望京邑

灞涘望長安河陽視京縣白日麗飛甍參差皆
可見餘霞散成綺澄江淨如練喧鳥覆春洲雜
英滿芳甸去矣方滯滯懷哉罷歡宴佳期悵何
許淚下如流霰有情知望鄉誰能鬢不變喧一作暄

高齋視事

餘雪映青山寒霧開白日曖曖江村見離離海
樹出披衣就清盥憑軒方秉筆列俎歸單味連
駕止容膝空爲大國憂紛詭諒非一安得掃荒
逕銷吾愁與疾掃荒一作歸蓬

郡內高齋閒望答呂法曹 呂僧珍為昭明選齊王法曹

結構何迢遞曠望極高深
牕中列遠岫庭際俯喬林
日出衆鳥散山暝孤猿吟
已有池上酌復此風中琴
非君美無度孰為勞寸心
惠而能好我問以瑤華音
若遺金門步見就玉山岑

謝宣城集卷三 終

謝宣城集卷四

閩陽 郭威釗輯刻

宛陵 梅 庚校訂

五言詩

和蕭中庶直石頭

九河亘積岨三巖鬱旁眺皇州總地德回江款
巖微井幹絕蒼林雲薨蔽層嶠川霞旦上薄山
光晚餘照翔集亂歸飛虹蜺紛引曜君子奉神
畧瞰迴憑重峭彈冠已籍甚升車益英妙功存

漢冊書榮竝周庭燎汲疾移偃息董園倚談笑
麾旆一悠悠謙姿光且劭讌嘉多暇日興文起
淵調曰余厠鱗羽滅影從漁釣澤渥資投分逢
迎典待詔詠沼邈含毫專城空坐嘯徒慙皇鑒
揆終延曲士誚方追隱淪訣偶解金丹要若偶
巫咸招帝閭良可叫

蕭衍直石頭

附

率土皆王土安知全高尙東壟棄黍稷西遊
入卿相屬逢利建始投分參末將尺一功未

施河山賞已諒攝官因時暇曳裾聊起望鬱
盤地勢遠參差百雉壯翠壁絳霄際丹樓青
霞上夕池出濠渚朝雲生疊嶂籠鳥易爲恩
屠羊無飾讓秦階端且平海水本無浪小臣
何日歸頓轡從閒放

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂
淵道善誘宗學原鳴鐘霽幽抱仁焉徂宛洛清
徽夜何早歲晚結松陰平原亂秋草不有至言

揚終滯西山老

竟陵王蕭子良登山望雷居士精舍同

沈右衛過劉先生墓下作

并序
下並附

沛國劉子珪學優未仕跡邇心遐履信體仁
古之遺德潛舟迅景滅賞淪輝言念芳猷式
懷嗟述屬舍弟隨郡有示來篇彌綰久要之
情益淡宿草之歎升望西山率爾爲答雖因
事雷生實申悲劉子云爾

漢陵淹館蕪晉彌洙風缺五都聲論空三河

文義絕興禮邁前英談玄踰在哲明情日夜
淡徽音歲時滅垣井總已平煙雲從容裔爾
歎牛山悲我悼驚川逝

隨郡王蕭子隆經劉瓛墓下

升堂子不謬問道余未窮如何辭白日千載
隔音通山門一已絕長夜緬難終初松切暮
鳥新楊摧曉風榛關向蕪密泉途轉銷空

虞炎奉和

下帷聞昔儒窺園信且逸聚學叢煙郊棲遁

謝宣城集 卷四
事環葦戢景謝歸年稅駕空悠日庭露已沾
衣松門向蕭瑟憫憫神念周依依惠言密

柳惲奉和

西河寂高業北海望清塵曾微誰與寄尚德
在伊人遺文重昭晰絕緒復紛綸露華白朝
日蘭生無久春芳猷動淵思撫軾履高辰山
風起寒木野雀亂秋榛壟草時易宿素軌邈
難遵

沈約奉和

表閭欽逸軌軾墓禮貞魂化途終眇默神理
曖猶存塵駕未輟幌高衡已委門日蕪子雲
舍徒望董生園華陰無遺市楚席有靈樽玄
泉儻能慰長夜旦勿論

離夜

玉繩隱高樹斜漢耿層臺離堂華燭盡別幌清
琴哀翻潮尚知恨客思耿難裁山出不可夢況
及故人杯

及一作乃

一本作山川不可盡

江丞同前

下並附

石泉行可照蘭杜向含風離歌上春日芳思
徒以空情遽曉雲發心在夕河終幽琴一罷
調清醕誰復同

王常侍同前

月沒高樓曉雲起扶桑時燭筵暖無色行住
憫相悲當軒已凝念況乃清江潛懷人忽千
里誰緩鬢徂絲

和沈右率諸君餞謝文學

春夜別清樽江潭復爲客歎息東流水如何故

鄉陌重樹日芬蒨芳洲轉如積望望荆臺下歸

夢相思夕

夢一作坐

沈右率餞謝文學

下竝附

漢池水如帶巫山雲似蓋
節汨背吳潮潺湲橫楚瀨
一望阻漳水寧思江海會
以我徑寸心從君千里外

虞別駕同前

羞池燕始飛羃歷草初輝
離人悵東顧遊子去西歸
清潮已駕渚潺露復沾衣
一乖當春

謝宣城集 卷四
聚方掩故園扉

王中書同前

所知共歌吹誰忍別笑歌離軒思黃鳥分渚
蔓清莎翻情結遠旆灑淚與煙波春江夜明
月還望情如何

蕭記室同前

執手無還顧別渚有西東荆吳渺何際煙波
千里通春篁方解籜弱柳向低風相思將安
寄悵望南飛鴻向一作尚

劉中書同前

汀洲千里芳朝雲萬里色悠然在天隅之子
去安極春潭無與窺秋臺共誰陟不見一佳
人徒望西飛翼

和王長史臥病

岬岫欵崇崖派別朝洪河兔園文雅盛章臺冠
蓋多淵襟眷睿岳變贊動昨歌顧影慙駢服載
筆旅江沱縞衣紛可獻琴言暖已和青臯向還
色春潤視生波巖垂變好鳥松上改陳蘿日與

歲眇邈歸憾稍蹉跎願緝吳山杜寧袂楚池荷
清風豈孤劭功遂懷會阿勿藥良有暢荏苒芳
未過幸畱清樽味言籍故田莎暖一作藹憾稍一作限積

王秀之臥疾敘意附

貞悔不少期福極固難豫疾藥雖一途遂以
千百慮景仄念徂齡帶緩每危曙循躬雖已
茲况復歲將暮層冰日夜多飛雲密如霧歸
鴻互斷絕宿鳥莫能去輟我丘中瑟良田一
嗟故隱淪迹有違宰官功未樹何用攪余情

恨恨此故路豈言勞者歌且曰幽人賦雖一作既

和沈祭酒行園

清淮左長薄荒徑隱高蓬回潮旦夕上寒渠左
右通霜畦紛綺錯秋町鬱蒙茸環梨縣已紫珠
榴折且紅君有棲心地伊我歡既同何用耳泉
側玉樹望青葱

沈約行園附

寒瓜方臥壟秋菰亦滿陂紫茄紛爛熳綠芋
鬱參差初菘向堪把時韭日離離高梨有繁

實何減萬年枝荒渠集野鷹安用昆明池

和江丞北戍瑯琊城

春城麗白日阿閣跨層樓蒼江忽渺渺驅馬復
悠悠京洛多塵霧淮濟未安流豈不思撫劔情
哉無輕舟夫君良自勉歲暮勿淹留

江孝嗣北戍瑯琊城

附

驅馬一聯翩日下情不息芳柳似佳人惆悵
余何極薄暮苦羈愁終朝傷旅食丈夫許人
世安得顧心臆按劔勿復言誰能耕與織

和徐都曹出新亭渚

宛洛佳遨遊春色滿皇州結軫青郊路迴瞰蒼
江流日華川上動風光草際浮桃李成蹊徑桑
榆蔭道周東都已俶載言歸望綠疇

徐勉昧旦出新亭渚

附

驅車陵早術山華映初日纜轡且徘徊復值
清江謐杳藹楓樹林參差黃鳥匹氣物宛如
斯重以心期逸春堤一遊衍終朝意殊悉

和劉中書

張場漢記曰南陽人可
弘農也培任切曹公性
持人高之語曰南陽人可
嘯
岑公孝

薦綠蟻方獨持夏李沉朱實秋藕折輕絲良辰
竟何許夙昔夢佳期坐嘯徒可積為邦歲已暮
絃歌終莫取撫枕令自嗤枕一作机
令一作今

沈約答謝宣城 附

王喬飛鳧舄東方金馬門從宦非宦侶避世
不避喧揆余發皇覽短翮屢飛翻晨趨朝建
禮晚沐臥郊園賓至下塵榻憂來命綠樽昔
賢侔時雨今守馥蘭蓀神交疲夢寐路遠隔
思存牽拙謬東汜浮情反西崑顧循良菲薄

何以儷與璠將隨渤澥去刷羽泛清源

和何議曹郊遊二首

春心澹容與挾弋步中林朝光映紅萼微風吹
好音江垂得清賞山際果幽尋未嘗遠離別知
此悵歸心流沂終靡已嗟行方至今

其二

江臯倦遊客薄暮懷歸者揚舲浮大川惆悵至
日下羸靡青莎被潺湲石溜瀉寄語持笙簧舒
憂願自假歸途豈難涉翻同江上夏

和劉西曹望海臺

滄波不可望望極與天平
往往孤山映處處春
雲生釜池遠鴈沒颯沓羣
鳧驚囂塵及簿領棄
捨出重城臨川徒可笑
結網庶時營

和王中丞聞琴

涼風吹月露圓景動清陰
蕙風入懷抱聞君此
夜琴蕭瑟滿林聽輕鳴響
澗音無為澹容與蹉
跎江海心

和伏武昌登孫權故城

伏曼容為武昌太守眺遙和昭明選

炎靈遺劔璽當塗駭龍戰
聖期缺中壤霸功興
寓縣鵲起登吳山鳳翔凌
楚甸襟帶窮巖險帷
帟盡謀選北拒溺驂鑣西
龕收組練四海既無
波俯仰流英眄裘冕類禋
郊卜揆崇離殿釣臺
臨講開樊山開廣讌文物
共葳蕤聲唼且葱蒨
三光厭分景書軌欲同薦
參差世祀忽寂寞市
朝變舞館識餘基歌梁想
遺囀故林衰木平荒
池秋草徧雄圖悵若茲茂
宰淡遐睠幽客滯江
臯從賞垂纓弁清卮阻獻
酬良書限聞見幸籍

芳音多承風采餘絢于役儻有期鄂渚同遊衍
四一作江
世一作代

夏始和劉潺陵

威仰弛蒼郊龍曜表皇隰春色卷遙甸炎光麗
近邑白蘋望已騁湘荷紛可襲徒願尺波旋終
憐寸景戢對牕斜日過洞幌鮮飈入浮雲去欲
窮暮鳥飛相及柔翰縝芳塵清源非易揖迴江
難絕濟云誰暢佇立良宰勗夜漁出入事朝汲
積羽余旣裳更賦子盈粒椅梧何必零歸來共

棲集

和宋記室省中

落日飛鳥遠憂來不可極竹樹澄遠陰雲霞成
異色懷歸欲乘電瞻言思解翼清揚婉禁居祕
此文墨職無歎阻琴樽相從伊水側
竹一作行

和王著作融八公山

二別阻漢坻雙嶠望河澳茲嶺復嶢岼分區奠
淮服東限瑯琊臺西距孟諸陸阡眠起雜樹檀
欒蔭修竹日隱澗疑空雲聚岫如複出沒眺樓

雉遠近送春日。戎州昔亂華。素景淪伊穀。阨危
 賴宗衮。微管寄剛牧。長蛇固能剪。奔鯨自此曝。
 道峻芳塵流。業遙年運倏。平生仰令圖。吁嗟命
 不淑。浩蕩別親知。聯翩戒征軸。再遠館娃宮。兩
 去河陽谷。風煙四時犯。霜雨朝夜沐。春秀良已
 凋。秋場庶能築。

和王主簿季哲怨情

掖庭聘絕國。長門失歡宴。相逢詠蘼蕪。辭寵悲
 團扇。花叢亂數蝶。風簾入雙燕。徒使春帶賒。坐

惜紅妝變。平生一顧重。宿昔千金賤。故人心尚
 爾。故心人不見。一作故人
心不見

贈王主簿二首

日落牕中坐。紅妝好顏色。舞衣襞未縫。流黃覆
 不織。蜻蛉草際飛。遊蜂花上食。一遇長相思。願
 寄連翩翼。

其二

清吹要碧玉。調玄命綠珠。輕歌急綺帶。含笑解
 羅襦。餘曲詎幾許。高駕且踟躕。徘徊韶景暮。惟

有落城隅

同王主簿有所思

佳期期未歸望望下鳴機徘徊東陌上月出行
人稀

落日同何議曹照

參差複殿影氛氲綺羅雜風入天淵池芰荷搖
復合遠聽雀聲聚回望樹陰杳一賞桂尊前寧
傷蓬鬢颯

和紀參軍服散得盆

金液稱九轉西山歌五色鍊質乃排雲濯景終
不測雲英亦可餌且駐羲和力能令長卿臥暫
故遇真識

新治北牕和何從事

國小暇日多民淳紛務屏闕牖期清曠開簾候
風景泱泱日照溪團團雲去嶺岵堯蘭棹峻駢
闔石路整池北樹如浮竹外山猶影自來彌弦
望及君臨箕穎清文蔚且詠微言超已領不見
城壕側思君朝夕頃迴舟方在辰何以慰延頸

望一作缺
超一作怡

同羈夜集

積念隔炎涼
驤言始今夕
已對濁樽酒
復此故鄉客
霜月始流砌
寒蛩早吟隙
幸籍京華遊
邊城讌良席
樵采咸共同
荆莎聊可籍
恐君城闕人
安能久松柏

謝宣城集卷四

終

謝宣城集卷五

閭陽 郭威釗輯刻

宛陵 梅 庚校訂

五言詩

奉和隨王殿下十六首

玄冬寂修夜
天圍靜且開
亭臯霜氣愴
松宇清風來
高琴時以思
幽人多感懷
幸籍汾陽想
嶺首正徘徊

其二

高秋夜方靜神居肅且淡閒階塗廣露涼宇澄
月陰嬋娟影池竹踈蕪散風林淵情協爽節詠
言興德音闡道空已積千直媿蓬心

其三

愴愴緒風興祁祁族雲布嚴氣集高軒稠陰結
寒樹日月謬論思朝夕承清豫徒籍小山文空
揖章臺賦

其四

星回夜未艾洞房凝遠情雲陰滿池榭中月懸

高城喬木含風霧行鴈飛且鳴平臺盛文雅西
園富羣英芳慶良永矣君王嗣德聲眷此伊洛
詠載懷汾水情顧已非麗則恭惠奉仁明觀淄
詠已失撫然媿簪纓

其五

肅景遊清都修簪侍蘭室累榭踈遠風廣庭麗
朝日穆穆神儀靜悄悄道言密一餐繫靈表無
吝科年曆

其六

詩定城集 卷五
神心遺魏闕中想顧汾陽肅景懷辰豫捐玦翦
山楊時惟清夏始雲景曖含芳月陰洞野色日
華麗池光草合亭臯遠霞生川路長端坐聞鶴
引靜瑟愴復傷懷哉泉石思歌詠鬱瓊相春塘
多迭駕言從伊與商衮職眷英覽獨善伊何忘
願輟東都遠弘道侍云梁

其七

清房洞已靜閒風伊夜來雲生樹陰遠軒廣月
容開宴私移燭飲遊賞籍琴臺風猷冠淄鄴社

寫媿唐枚

其八

方池含積水明月流皎鏡規荷承日沚影鱗與
風泳上善叶淵心止川測動性幸是方春來側
點游濠盛

其九

浮雲西北起飛來下高堂合散輕帷表飄舞桂
臺陽遙階收委羽平地如夜光眷言金玉照顧
慙蘭蕙芳

其十

睿心重離析岐路清江隈
四面寒飈舉千里白雲來
川長別管思地迴翻旗回
還顧昭陽闕超遠章華臺
置酒巫山日爲君停玉杯

十一

桂樓飛絕限超遠向江岐
輕雲霽廣甸微風散清漪
連連絕鴈舉渺渺青煙移
巖城亂芸草霜墀凋素枝
氣爽淡遙矚豫永聊停曦
卽已終可悅盈尊且若斯

卽一作卽

十二

炎光缺風雅宗霸拯時淪
龍德待雲霧令圖方再晨
歲遠荒城思霜華宿草陳
英威遽如是徘徊岐路人

十三

念淡沖照廣業闡清化玄
端儀穆金殿敷教藻瓊筵
船湛輕帷藹磬轉芳風旋
卷轡棲道樹方津棹法舷
歸興憑大造昭塗良易筌

十四

分悲玉瑟斷別渚金樽傾風入芳帷散缸華蘭
殿明想折中園草共知千重情行雲故鄉色贈
此一離聲

此一作子

十五

年華豫已條夜艾賞方融新萍時合水弱草未
勝風聞幽瑟易響臺迴月難中春物廣餘照蘭
萱佩未窮

十六

漣漪映餘雪嚴城限淡霧清寒起洞門東風急

池樹神居望已肅徘徊舉冲趣棲歸如遲詠丘
山不可屢

詠風

徘徊發紅萼葳蕤動綠旒垂楊低復舉新萍合
且離步檐行袖靡當戶思襟披高響飄歌吹相
思子未知時拂孤鸞鏡星鬢視參差

詠竹

牕前一叢竹青翠獨言奇南條交北葉新筍雜
故枝月光疎已密風來起復垂青扈飛不礙黃

詩實坡集 卷五
口得相窺但憾從風籜根株長別離

詠薔薇

低枝詎勝葉輕香幸自通發萼初攢紫餘采尙
霏紅新花對白日故蘂逐行風參差不俱曜誰
肯盼微叢

詠蒲

離離水上蒲結水散爲珠間厠秋菡萏出入春
鳧雛初萌實離俎暮蘂雜椒塗所悲塘上曲遂

鑠黃金軀

塘一作堂

詠兔絲

輕絲旣難理細縷竟無織爛熳已萬條連綿復
一色安根不可知縈心終不測所貴能卷舒伊
用蓬生直

詠落梅

新葉初冉冉初蘂新菲菲逢君後園燕相隨巧
笑歸親勞君玉指摘以贈南威用持插雲髻翡
翠比光輝日暮長零落君恩不可追

遊東堂詠桐

孤桐北牕外高枝百尺餘葉生既婀娜葉落更
扶踈無華復無實何以贈離居裁為圭與瑞足
可命參墟

詠牆北梔子

有美當階樹霜露未能移金黃發朱采映日以
離離幸賴夕陽下餘景及西枝還思照綠水君
階無曲池餘榮未能已晚實猶見奇復畱傾筐
德君恩信未貲

同詠樂器

琴

洞庭風雨榦龍門生死枝雕刻紛布濩冲響鬱
清危春風搖蕙草秋月滿華池是時操別鶴滌
滌客淚垂危一作卮
蕙一作綺

琵琶

六朝詩
作王融

抱月如可明懷風殊復清絲中傳意緒花裏寄
春情掩抑有奇態淒鏘多好聲芳袖幸時拂龍
門空自生

箎

六朝詩
作沈約

江南簫管地妙響發孫枝殷勤寄玉指含情舉
復垂雕梁再三繞輕塵四五移曲中有淡意丹
誠君詎知

同詠坐上器玩

烏皮隱几

蟠木生附枝刻削豈無施取則龍文鼎三趾獻
光儀勿言素韋潔白沙尙推移曲躬奉微用聊
承終宴疲

竹櫝柳盤

稍風有勁質柔用道非一平織方以文穹成圓
且密廡羞雖百品所貴浮天實幸承歡醕餘寧
辭嘉宴畢

同詠坐上所見一物

席

本生朝汝池落景照參差汀洲蔽杜若幽渚奪
江籬遇君時采擷玉座奉金卮但願羅衣拂無
使素塵彌

同前

照日汀洲際搖風綠潭側雖無獨繭絲幸有青
袍色羅袖少輕塵象牀多麗飾願君蘭夜飲佳
人時宴息

幔

六朝詩
作王融

幸得與珠綴羃歷君之楹月映不辭卷風來輒
自輕每聚金爐氣時駐玉琴聲但願致樽酒蘭
缸當夜明

簾

六朝詩
作虞炎

青軒明月時紫殿秋風日曛曛引光輝晻曖映

容質清露依檐垂蛸絲當戶密舉開誰共臨掩
眸獨如失

詠竹火籠

庭雪亂如花井水粲成玉因炎入貂袖懷溫奉
芳褥體密用宜通文雅性非曲本自江南墟嫗
娟修且綠誓承君玉指請謝陽春旭

同前

結根終南下防露復披雲雖爲九華扇聊可滌
炎氛安能偶狐白鶴卵織成文覆持鴛鴦被百

和吐氛氲忽爲纖手用歲暮侍羅裙

侍一作待

詠鏡臺

玲瓏類丹檻茗亭似玄闕對鳳懸清冰垂龍挂
明月照粉拂紅妝插花理雲髮玉顏徒自見常
畏君情歇

詠燈

發翠斜漢裏蓄寶宕山峰抽莖類僊掌銜光似
燭龍飛蛾再三繞輕花四五重孤對相思夕空
照舞衣縫

詠燭

杏梁賓未散桂宮暎欲沉暖色輕帷裏低光照
寶琴徘徊雲髻影的皜綺疏金恨君秋月夜遺
我洞房陰

詠邯鄲故才人嫁爲厮養卒婦

半生宮閣裏出入侍丹墀開筍方羅縠窺鏡比
蛾眉初別意未解去久日生悲憔悴不自識嬌
羞餘故姿夢中忽彷彿猶言承燕私

詠鴻鵠

蕙草含初芳
瑤池暖晚色
得廁鴻鸞影
晞光弄羽翼

聯句

阻雪

融集載同詠七人古文苑以舊本止有融革詩增入首謝眺末沈約

積雲皓陰池
北風鳴細枝
九達密如繡
何為遠

別離

謝宣城眺

風庭舞流霰
冰沼結文澌
餘春雖以

煥欽賢紛若馳

江秀才革

珠鬘條間響
玉溜檐下垂

杯酒不相接
寸心良共知

王丞融

飛雲亂無緒
結

冰明曲池雖乖促
席讌白首信勿虧

王蘭陵僧孺飄

素瑩簷溜巖結噎
通岐樽罍如未滌
況乃限音

儀

謝洗劍吳

原隰望徒倚
松筠竟不移
隱憂慙萱樹

忘懷待山卮

劉中書繪

初昕逸翮舉
日昃駑馬疲
幽

山有桂樹歲暮方參差

沈右率約

古文苑云王蘭謝吳謝綬詞意相殊絕不載此無謝綬有劉繪王蘭名誤

還塗臨渚

綠水纈清波
青山繡芳質
落景皎晚陰
殘花綺

餘日

何從事

白沙澹無際
青山眇如一
傷此物運

移惆悵望還律

吳郎

白水田外明
孤嶺松上出
卽

趣佳可淹淹留非下秩。府君遙和嶺一作頂

紀功曹中園

蘭亭仰遠風芳林接雲萼傾葉順清飈修莖佇

高鶴何從事連綿夕雲歸晡曖日將落寸陰不可

留蘭墀豈佇酌吳郎丹纓猶照樹綠筠方解籜永

志能兩忘即賞謝丘壑府君

閒坐

雨洗花葉鮮泉漫芳塘溢藉此閒賦詩聊用蕩

羈疾陳郎霖霖微雨散歲蕤蕙草密預藉芳筵賞

沾生信照悉紀功曹晏紫葵牕外舒青荷池上出既

闔潁川扇且臥淮南秩府君流風蕩晚陰行雲掩

朝日余此蘭蕙客徒有芳菲質何從事余一作念

侍筵西堂落日望鄉

沉病已綿緒負官別鄉憂高城淒夕吹時見國

煙浮曹丞漠漠輕雲晚颯颯高樹秋鄉山不可望

蘭卮且獻酬府君旻高識氣迥泉渟知潦收幸遇

慶筵渥方且沐恩猷紀功曹晏芸黃先露早騷瑟驚

暮秋舊城望已肅况乃客悠悠何從事緒一作風

筵一作延且一作將瑟一作屑

祀敬亭山春雨

水府衆靈出石室寶圖開白雲帝鄉下行雨巫

山來府君歌風讚靈德舞蹈起輕埃高軒乍留吹

玄羽或徘徊何從事福降羣僊下識逸百神該青

鳥飛層隙赤鯉泳瀾隈齊舉郎

往敬亭路中

山中芳杜綠江南蓮葉紫芳年不共遊淹留空

若是府君淥水豐漣漪青山多繡綺新條日向抽

落花紛已委何從事弱蔓既青翠輕莎方霍霏鷺

鷗沒而遊麝麈騰復倚齊舉郎春岸望沉沉清流

見瀾瀾幸藉人外遊盤桓未能徙陳郎驚柅把瓊

芳隨山訪靈詭榮楯每嶙峋林堂多碕礧府君

逸詩

蒲生行載樂府詩集

蒲生廣湖邊託身洪波側春露惠我澤秋霜縟

我色根葉從風浪常恐不永植攝生各有命豈

云智與力安得遊雲上與爾同羽翼

一本作王融詩多
二韻今附錄如左
首夏寔清和餘
春滿芳郊向花
樹雜為錦月池
皎如練如何當此
時別離言與宴
田襟已懣對行
舟亦遠猶非君
不見思所悲思
不見

謝宣城集 卷五

別王僧孺 載六朝詩

花樹雜為錦月池皎如練如何當此時別離言
與宴非君不見思所悲思不見

逸附詩 載古文苑

餞謝文學離夜

范通直雲 虞駕

陽臺霧初解夢渚水裁淥遠山隱且見平沙
斷還續分絃饒苦音別唱多悽曲爾拂後車
塵我事東臯粟 古文苑注餞謝文學集五人
文苑六人共七人今一人闕

謝宣城集五卷 終

謝宣城集卷六

閩陽 郭威釗輯刻

宛陵 梅 庚校訂

表

為百官勸進齊明帝表

臣聞時乘在御必待先天之業神化為皇乃叶
應期之運况復湯孫有緒纂堯惟德舊邦佇新
復禹歸祉大齊之權與寶曆孕育前古昭假四
海克酬三靈而嗣命疾威蕃鄙叛渙委裘御寓

謝宣城集 卷六

言宣城集 卷六
葵鼎如忽陛下文思體道狗齊作聖翦應龍於
冀州戮長蛇於沮水榮光之瑞昭回延喜之寶
潤色天睠爰發人謀咸贊伏願陛下仰答靈祇
弘宣景命誕受多方奄宅萬國

爲明帝讓封宣城公表

如其懸旌灞澹刷馬伊穀灑酒望屬車之塵整
笏侍升平之禮陛下訏謨立覽欽若宏圖鑒臣
匪躬共申葵訓雖量能之請近遂微躬則弘長
之風足軌來世

爲明帝拜錄尚書表

升降玉階拜揚休命六轡在手千里何偕司會
天官之統尚書百僚之本弘之則庶績惟凝普
之則葵倫斯敦修身踐言本慙五美果行育德
未階六正安屬負圖之寄多謝五仁之績操檜
楫於龍津荷梓梁於雲構無以輔位明堂遺像
麟閣

章

爲宣城公拜章

惟天爲大日星度其象謂地益厚河岳宣其氣
斯冕旒所以貞觀袞職所以代終懸下穆而上
尊豈南征而北怨何以克詠九歌載宣七德銘
彼旂常勒斯鐘鼎

牋

辭隨王子隆牋

故吏文學謝朓死罪死罪卽日被尙書召以朓
補中軍新安王記室叅軍朓聞黃汗之水願朝
宗而每竭鴛蹇之乘希沃若而中疲何則臯壤

搖落對之惆悵岐路東西或以嗚咽况乃服義
徒擁歸志莫從邈若墜雨翩似秋帶朓實庸流
行能無算屬天地休明山川受納袞采一介抽
揚小善故得捨耒場圃奉筆兔園東亂三江西
浮七澤契濶戎旃從容讌語長裾日曳後乘載
脂榮立府庭恩加顏色沐髮晞陽未測涯涘撫
臆論報早誓肌骨不悟滄溟未運波臣自蕩渤
澥方春旅翮先謝清切藩房寂寥舊葦輕舟反
溯弔影獨畱白雲在天龍門不見去德滋永思

德滋深惟待青江可望候歸艎於春渚朱邸方
開效蓬心於秋實如其簪履或存衽席無改雖
復身填溝壑猶望妻子知歸攬滄告辭悲來橫
集不任犬馬之誠

啓

爲王敬則謝會稽太守啓

臣本布衣不謀遠大折衝之勤不舉燮理之義
何階常恐覆餗是貽咎徵斯應陛下繼歷聖統
日月重光得以桓珪衮服拜奉歲時視濯獻牲
鞠躬郊廟而鴻恩安假覆授龜符玉節邁於雙
璜表束侔於四履臨邊三事旣謝張溫潁川再
撫亦慙黃霸

謝隨王賜左傳啓

昭晰殺青近發中汗恩勸挾策慈勗下帷眺未
窺山笥早懣河籍業謝專門說非章句庶得旣
困而學括羽瑩其蒙心家藏賜書籛金遺其貽
厥披覽神勝吟諷知厚

謝隨王賜棗梨啓

味出靈闕之陰各珍玉津之滢豈徒真定歸美
大谷慙滋將恐帝臺妙棠安期靈棗不得孤擅
玉盤獨甘僊席雖秦君傳噐漢后推餐望古可
儔於今何答

教

爲錄公拜揚州恩教

笈召南分陝流甘棠之德平陽好道淡獄市之
寄吾忝屬負荷任總侯伯受餞元戎作牧中甸
此地五都雜會四方是則而向隅之矜斯積納

隍之歎猶繁興念下車無忘待旦有齊禮導德
致之仁壽弘漏網之寬申在宥之澤

爲東海餉諸葛處士教

笈長孫東組降龍立之節文舉北輜高通德之
稱所以激貪立懦式揚風範處士諸葛瓌高風
所漸結轍前修豈懷珠被褐韜玉待價將幽貞
獨往不事王侯者耶聞事親有啜菽之寔就養
寡藜蒸之給豈得獨享萬鍾而忘茲五秉可餉
穀百斛

哀策文

齊敬皇后哀策文

惟永泰元年秋九月朔日敬皇后梓宮啓自先
塋將祔于興安陵其日至尊親奉奠明皇帝乃
使兼太尉陳顯達設祖于行宮禮也翠帟舒阜
玄堂啓扉俎徹三獻筵卷六衣哀子嗣皇帝懷
蜃衛而延首想鸞輅而撫心痛椒塗之先廓哀
長信之莫臨身隔兩赴時無二展旋詔左言光
敷聖善其辭曰

帝唐遠胄御龍遙緒在秦作劉在漢開楚肇惟
淑聖克柔克令清漢表靈曾沙膺慶爰定厥祥
徽音允穆光華沼沚榮曜中谷敬始絃緝教先
種稷睿問川流神襟蘭郁先德韜光君道方被
于佐求賢在謁無諛顧史弘式陳詩展義厚下
曰仁藏往伊智十亂斯俟四教罔忒思媾諸姑
貽我嬪則化自公宮遠被南國軒曜懷光素舒
佇德閔予不祐慈訓早違方年冲藐懷袖靡依
家臻寶業身嗣昌暉壽宮寂遠清廟虛歸嗚呼

哀哉帝遷明命民神胥悅乾景外臨陰義內缺
空悲故劍徒嗟金穴璋瓚奚獻禕褕罔設嗚呼
哀哉馮相告褻宸駕長往貽厥遠圖末命是獎
懷豐沛之綢繆兮背神京之弘敞陋蒼梧之不
從兮遵鮒隅以同壤嗚呼哀哉陳象設於園寢
兮映輿綬於松楸望承明而不入兮度清洛而
南游繼池綍於通軌兮接龍帷于造舟迴塘寂
其已暮兮東川澹而不流嗚呼哀哉藉闕宮之
遠烈兮聞纘女之遐慶始協德於蘋蘩分終配

祀而表命慕方纏於賜衣兮哀日隆於撫鏡思
寒泉之罔極兮託彤管於遺詠嗚呼哀哉

諡册文

齊明皇帝諡册文

維永泰元年九月朔日哀子嗣皇帝諱仰惟大
行皇帝早棄萬邦聖烈方遠式遵一作尊帝世俾
鬯鴻猷咸以爲無名以化則言繁莫宣其道有
求斯應則影響庶圖其功所以永言配命寄心
宗極光昭令德允樹風聲伏惟大行皇帝合信

四時齊明日月創保大於登庸通神機於受命
因時以暢藉九萬而輕舉天保既定運四海而
高臨及廼開物成務重維國綱風行草化心往
如神左賢右戚內樂外禮輯五材以教民申三
驅而在宥用能盛德殷薦美善斯畢皇矣之業
既孚蒸哉之道咸備景化方遠厭世在天龜筮
告期遠日無改仰則前王俯詢百辟累德稱睿
允極鴻名謹命某申奉大牢之奠謹上尊諡曰
明皇帝廟號高宗天人允協神其尙饗嗚呼哀

哉

墓銘

臨海公主墓銘

長發有祥瑤臺乃構玄鳥歸飛北音斯奏聿來
徐土禎符爰授帝體靈柯穠華以秀飾館東魯
言歸景族有教公宮無繫車服既肅簪珥亦崇
湯沐率禮衡門降情雲屋彼月斯望在釣維緝
瞻須配景望燭齊神靈萃崑岫滅采上春慈纏
雲陛悲動外姻鬱彼崇芒睠然城輦輜翟安轡

龍旒徐轉

新安長公主墓銘

氛氲長發時惟睿文誕茲明淑玉振蘭芬譽宣
女師德侔高行肅穆嬪風優游闔正撫事成箴
臨圖作鏡如何冥默方春委盛

海陵王昭文墓銘

中樞誕聖膺曆受命於穆二祖天臨海鏡顯允
世宗溫文著性三善有聲四國無競嗣德方衰
時唯介弟景祚云及多難攸啓載驅幹轄高闢

代邸庶辟欣欣威儀濟濟亦旣負辰言觀帝則
正位恭已臨朝淵嘿虔思寶締負荷非克敬順
天人高遜明德西光已謝東旭又涼龍燾夕儼
葆掄晨鏘風搖草色日照松光春秋非我晚夜
何長

鬱林王墓銘

綠車旖旎翠綈掩映癸貳戲良臨祧弛盛毀德
歸桐葉尊居鄭

祭文

謝宣城集 卷六
祭大雷何周二神文

大過在運小雅盡缺瓊鏡日淪金車未晰周生
電斷神謨英冠正因部奇風歛雲散晉德如燬
功資叶贊山無猛鷲時曠忠賢流王千彘龜鼎
忽焉忠肅布衣君親自然驅狐上國斬鯢中川
紛綸凱入氛氲配天

爲隨王東耕文

穀躔星景稽表蜡先八政奚首六府茲宣樊嗟
非國登頌有年一夫或怠望歲誰天

爲諸姊祭阮夫人文

婉婉嬪德幽閑嬪性眇史弘箴陳詩陳詠嘉言
足題清暉可映契濶未幾音塵如昨中景遽傾
芳木先落疇管交觴享也虛薦帶上先結握中
遺扇迸淚失聲潺湲如霰

謝宣城集卷六 畢